

Filemón

Jachuayama

¹ Atše Pablo, mora utamená Cristo Jesusbiamama oservena causa, quem tsbuanácha sentsabiamná, Jesucristbeyeca bēngbe catsata Timotéoftaca, acbiamama Filemón, bēngbe bonshaná y nda bēngaftaca condētrabája Jesucristo jaserviama.

² Atše sentsacheuaná, Jesucristbeyeca bēngbe uabena Apia y Arquípnaca, nda bēngaftaca cányiñe Jesucristbe soyēngama endenojuezana; y nyetsca ošbuachiyēngnaca, ndēmuanyēnga imuamana acbe yebnentše jénefnama Bēngbe Bētsá jētschuayama.

³ Atše sēntseimpadana Bēngbe Bētsá Bēngbe Taitá y Bēngbe Utabná Jesucristo, chata chaboma tsabe bendicionēnga tsēngaftangbeñe chaotsemnama, y chaboma tsēngaftangbe ainaniñe tsabe ebionana chašmotsebomnama.

Filemonbe bonshánana y ošbuáchiyana

⁴ Bēngbe Bētsáftaca stsencuénta ora, acbiamama sēndbétsenojuabnaye, y sempre acbiamama Bēngbe Bētsá sēndbétsatschuanaye,

⁵ er atše sēnjátatsēmbona ntšamo aca nyetsca chē Bēngbe Bētsábenga imomnēnga icuababuányeshanama, y ntšamo aca Bēngbe Utabná Jesúsbeñe tša icošbuáchema.

⁶ Bēnga, Jesucristbeñe ošbuáchiyēnga quetsomñecá, ácaftaca mo canyáca fsēndmēna. Chca endmēnayeca atše Bēngbe Bētsá sēntseimpadana,

tšëngaftanga chašmobená más botamana josértana nýetsca chë Bëngbe Bëtsábiocana tmojóyëngacñe tšabe bendicionënga, bënga Cristo Jesúseftaca cánÿiñe mo canÿacá bëtsemnayeca.

⁷ Jesucristbeyeca atšbe bonshana catšata, aca chë Jesucristbeñe ošbuáchiyënga tša condábabuanÿeshanama, atše corente oyejuayá sëntsemna y bëts añemo sëntsebomna. Y aca tcojama, nýetscanga chë Bëngbe Bëtsábenga imomnënga chëngbe ainaniñe ngménaca ndoñe chamondëtsemnama, chënga jujabuáchëse.

Pablo, Filemónbiye Onésimbiana tbojanimpadá

⁸ Y chca, atše Cristbe ichmoná quetsomñecá sëntsobena, aca nýe jamándana ntšamo yomncá chacotsamama, pero atše chca ndoñe quichatsma.

⁹ Y cbondbobonshánayeca, chca játamamna, aca cbochanjaimpáda. Atše Pablo, Jesucristbe cuenta ichmoná jóyebuambayama y mora utamená, chabiama oservena causa,

¹⁰ canÿe ruego cbochanjábema, Onésimo chacuájabuachama. Atše utamená tsmënëntscuana, Jesucristbe soyëngama cha sënjanbuayiyná. Cha Crístbeñe tonjanošbuachéyeca, cha mo atšbe uaquiñacá tonjanóbema.

¹¹ Tempo, cha ácbiye tondayama quecmënjátanservena, pero mora cha becá entsámama, acbiama y atšbiamama.

¹² Mora ácbiye sëntsatichamná, y atše sempre chabiamama sëndbétsenojuabnaye y sëndbobonshana.

¹³ Atšbiamama puerte tšabá manmëna cha átšeftaca matënjoquedase, acbe cuenta atše chašoservema, cárceloye utamená

sëntsemnëntscuana, chë tšabe noticiënga entšanga abuyaiynaye causa.

¹⁴ Pero atše ndoñe chiyatsma cha chaoquedama atše chašuajabuachama, er atše ndoñe quetsátsboše aca obligaciónaca chacotsemnama, atše juajabuáchama ndayánaca chacomama; y sëntseboše aca ndayánaca chacoma, cach aca chca jamama puerte tcojtsebošëse. Chcasna, tondaye quichatsma, chë soye chca chaotsemnama aca cabá ndocá ntjayancá.

¹⁵ Atše sëntsejuabná nderado Onésimo ácbentšana básefta tescama tojanoluaré, mora ácaftaca nyets tempo jtsatsmënama ca,

¹⁶ y ndoñe nÿe acbiama mo nyets tempo canÿe oservenacá, ndayá chama más uamanacá, mo Jesucristbeyeca canÿe bonshana catšatcá. Atše puerte Onésimo sëndbobonshana, y acna cmontsemna más cha jtsebobonshánana, er cha mora ndoñe quenátsmëna canÿa nÿe acbiama nyets tempo oservená, ndayá Bëngbe Utabnábeyeca canÿe catšata, ntšamo cach aca condmëncá.

¹⁷ Chca, aca atšbiama condëjuabná mo ácaftaca cánÿiñe Bëngbe Utabnabiamama trabajayacá; chíyecna cmontsemna cha jtofjana, mo atše šcojofjá.

¹⁸ Nderado ntšamo cha tcmojanborlá o ndayánaca tcmondebena, atše chama cbochjëtsëntšabuachiye.

¹⁹ Atše Pablo, cach atšbe cucuátšeca quem soye sëntsabiamná. Atše chama cbochanjëtsëntšabuachiye. Ndegombre, ndoñe quenátsiyta atše chacbëyana becá šcondebena ca, ntšamo atsbočaná jtsemnama

atše tchojánbuayenama.

²⁰ Chcasna, Jesucristbeyeca atšbe catšata, Bëngbe Utabnáftaca cánýiñe mo canýacá quetsomñecá, Diosmanda chë pavor šcochtsebema. Diosmanda cochjama atšbe ainana ngménaca ndoñe chaondëtsemnana.

²¹ Atše chca cbontsabobiamná, er atše tšabá sëndëtatšëmbo, ntšamo cbontseimpadancá cochjama, y cabá más chama cochjatsmama.

²² Y mora inýe soye, Diosmanda posada šcochjabopróna, atše jányama chajábocna orscama, er atše puerte jtsošbuáchiyëse Bëngbe Bëtsábeñe sëndobátmana, cha tšëngaftangbiana yochjama lempe ntšamo atšbiana chašmojtjañcá, y chca, cha šochjaleséncia atše tšëngaftangbioye jésama.

Pablo Filemónbioye jadióšoftanama

²³ Epafra, muentše átšeftaca cárceloye utamená, Cristo Jesusbiana entšanga abuayiynaye causa, chánaca cmontsechuaná.

²⁴ Y Marcos, Aristarco, Demas y Lucas, chë bëngaftaca mondëtrabájanga Cristo jaserviama, chëngnaca cmontsechuaná.

²⁵ Atše sëntseimpadana Bëngbe Utabná Jesucristo, chaoma tšabe bendicionënga tšëngaftangbeñe chaotsemnana.

Bëngbe Bëtsa Cabëngaftaca Entsoyebuambna New Testament in Camsá

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Camsá

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

PDF generated using Haiola and XeLaTeX on 18 Apr 2025 from source files
dated 29 Jan 2022
19104c0e-9046-5ff3-82fb-eb838c88dcf9